

JETAN EAR KAPOUK JISŌS

Köttōpar ko an katak in:

- Kwaļok bwe Jisōs ej armej.
- Kwaļok bwe Jisōs ej Anij.
- Kwaļok kōn wāween an Jetan kapouki armej.
- Kwaļok bwe Jisōs wōt e maroñ lōmōoren kōj.

Meļeļe ko reļap ilo katak in:

- Jen lo bwe Jisōs ej juon armej.
- Jen lo bwe Jisōs ej Anij.
- Jen lo bwe Jetan ej dike Anij, im ej ukōte Naan in Anij bwe en moņe kōj.
- Jen lo bwe Jisōs, ejjeļok An jerōwiwi, im kōn men in, E wōt E maroñ lōmōoren kōj.

Ñāāt iien āliktata im kwaar buñ ilo juon kapo? Jet kapo re alikkar im jet re jab.

Jet iien je kajoor im e pidodo ad anjo ioon kapo, im jet iien je mōjņo. Ej et ñe je mōk? E pidodoļok ke penļok anjo?

Ke emōj an Jisōs peptaij, Jetōb Kwōjarjar ear āñin ļok E ñan āne jemaden bwe Jetan en kapouk E. Ewi wāween an kar Jetan kapouk Jisōs? Etke Anij ear kōtļok bwe Jetan en kapouk Nejin? Ewi tokjān men in ñan kōj ilo raan kein?

1. Jetan ear kapouki Jisōs.

- * ***Jetan ej juᵑae Anij im ankilaan. Jetan ej juon ri riab im ri moņe armej. Ej dike armej.***



Matu 4:1 Iien eo Jetōb ej āñinļok Jisōs ñan āne jemaden bwe tepil en kapo E.

Ke Anij ear kōmānman Lucifer (im kiiō emōj ukōt etan ñan Jetan), ear weepan.


- Bōtab Lucifer ear pepe in juᵑae Anij.
- Jān iien eo im etal, Jetan ej kōmān nana aolep iien. Jej barāinwōt ᅇa etan tepil eo.

Ilo jinoin laļ in Jetan ear kapaakļok Adam im Iv bwe en kapouk er. Jetan ejab kōᅇaan bwe jabdewōt armej en kautiej Anij. E kōᅇaan bwe aolep ren juᵑaeik E.

Bōlen Jetan ear lōmᅇak bwe elōñ an maroñ in ukot būruon Jisōs bwe en juᵑaeik Anij Jemān. Ekkar ñan jinoin eoon in wōn ear āñin ļok Jisōs ñan āne jemaden bwe Jetan en kapouk E? Jetōb Kwōjarjar.

- * ***Anij e jeļā men otemjej.***
- * ***Anij e kajoor jān aolep.***

Baj ke Jetōb Kwōjarjar ej jumaeik Jetan. Etke eoon in ej ba bwe Jetōb Kwōjarjar ej tōl Jisōs ñan kapo? Ej kōnke Anij e jeļā aolep men im Ej pād ioon aolep men. Anij ejab ankōmade kōn jabdewōt kapo an Jetan.



Je jab maroñ ña ruon Anij kōn kapo. Bōtab ilo An kajoor im mālōtlōt eļap Ej kōtļok bwe jen deļoñ ilo kapo ko im mālejjoñ ko. Anij e jeļā ke aolep men? Aet! E jeļā ke aolep men ko me re naaj waļok ilju im jekļaj? Aet. Anij e kajoor ke ioon aolep men? Aet. E maroñ ke bōbrae Jetan jān an kapo kōj? Aet. Innām etke E jab? Ta e mōjņo ke Anij? Jaab! Ewor unin an Anij kōtļok bwe men kein ren waļok. Anij ear kōtļok bwe Jetan en kapo Nejin. Mōttan jidik je naaj lo unin. Mokta jen lōmņak jidik kōn kapo kein.

2. Kapo ko im Jetan ear kapouk Jisōs kaki.

Jetan elukkuun kapeel ilo kapo. Wāween an kapo eok e maroñ oktak jān wāween an kapo bar juon armej kōnke e jeļā ta mōjņo ko aṃ. Ear kapouki Jisōs ke Ear mōjņo kōn kwōle. Jisōs ej Nejin Anij im barāinwōt Ej armej.

Kapo #1 Ukōt dekā ko ñan pilawā.



Matu 4:3 Im ri kapo ej itok ñan Ippān im ba, “Eļañne Nejin Anij kwe, Kwōn jiroñ dekā kein bwe ren erom pilawā.”

Mokta Jetan ear kapouk Jisōs bwe en kautiej kōṇaan ko An make jān kōṇaan ko an jemān. Jisōs ear kwōle. Ear jab mōñā iumwin eñoul raan.

- Jisōs ear itok ñan laļ in bwe En kōmṃan ankilaan Jemān wōt.
- Jetan ear kajjioñ in kareel Jisōs bwe En kōmṃan juon men me Jemān ear jab ba En kōmṃane.
- Jisōs ej Nejin Anij. E maroñ kar ukōt dekā ko ñan pilawā.
- Jisōs ear jab kōṇaan kōmṃan jabdewōt men me Jetan ej ba En kōmṃane.

Jisōs ear uwaak Jetan kōn Baibōl.



Matu 4:4 A E uwaak im ba, “Ar jeje, Armej e jāmin mour kōn pilawā wōt, a kōn naan otemjej rej waļoktok jān loñiin Anij.”

Pilawā e aorōk. Bōtab e ban jipañ kōj mour ñan indeeo. Naan ko an Anij wōt re maroñ kawānōk kōj im lōmoṃoren kōj. Aolep ro me rej mōñā pilawā wōt re naaj bar kwōle im ilo jemļoken, renaaj mej. Aolep ro me rej mōñā Naan ko an Anij, renaaj mour indeeo.

Kapo #2 Kālallōk jān raan tempel eo.



Matu 4:5,6 Innām tepil ej āñinlōñļok E ñan ilowaan jikin kweilok e kwōjarjar im kajijet E

na ioon kijmen tempel eo, im ba ñan E, “Elaññe Nejin Anij Kwe, Kwōn kālallōk, bwe ar je, Enaaj jiroñ enjeļ ro an kōn eok; im renaaj bōur eok ioon peir bwe kwōn jab itaak neem ilo deka.”

Jetan ear kwaļok mōttan Sam 91:11,12. Jetan e jeļā kobban Baibōl, bōtab ej ukōte bwe en moņe armej.

Jetan ej juon ri riab. Ear ba ñan Iv, “Kwō ban mej” eļaññe ej mōñā jān leen wōjke eo. Ear kareel Iv bwe en lōmņak kōn e make im bwe en lōmņak bwe enaaj emņanļok an mour eļaññe e jab pokake Anij. Āindein an Jetan bar jermal ilo raan kein.

Bōlen Jetan e kōņaan bwe Jisōs en lōmņak bwe aolep renaaj tōmak E ñe Ej kālallōk jān tempel eo im jab mej. Bōlen renaaj lo An kajoor ioon mej im bwilōñ! Jetan ear kapouk Jisōs bwe en kautiej kajoor eo an make. Jisōs ear jeļā bwe Anij enaaj kōjparok E. Ear jab aikuj in mālejjoñ Jemān bwe En lale.

Innām Jisōs ear bar uwaak kōn Baibōl.



Matu 4:7 Jisōs ej ba ñan e, “Ar bar je, Kwōn jab kapo Irooj aņ Anij.”

Jisōs ear kajoor otem kajoor, bōtab āinwōt juon armej, Ear jab itok ñan laļ in bwe en kōmņan ankilaan make. Ear itok bwe En kōmņan ankilaan Jemān. Ear jab ankilaan Jemān bwe en kālallōk jān tempel eo ilo iien eo. Aolep iien Anij e tiljek, im je maroñ lōke E.

*** Armej rej aikuj tōmak bwe ren kabuñbūruon Anij im bōk lōmoņor.**

Kapo #3 Kabuñ ñan Jetan.



Matu 4:9 Tepiļ ej bar āñinlōñļok E ñan juon toļ e kanooj utiej, im kaalwōj E kōn aelōñ in laļ otemjej, im aer aiboojoj; im e ba ñan E, “Men kein otemjej Inaaj lewōj ñan Eok, eļaññe Kwō naaj pedo im kabuñ ñan eō.”

Ear wor maroñ an Jetan bwe en leļok men ko ilo laļ in ñan Jisōs kōnke Setan ej irooj in laļ in. Jetan ear kapouk Jisōs bwe en make kautiej e.

Emōj an Anij pepe kadede bwe Enaaj kautiej Jisōs ilōñen men otemjej. Bōtab Jisōs ear aikuj make kōttāik E mohta im mej ioon debwāal bwe En lōmoņoren kōj. Jetan ear ba, “Kwō jeļā ta? Emņan ña jān Anij Jemāņ. Eļaññe kwōj kabuñ ñan eō kwō ban aikuj eñtaan. Kwō naaj utiej kiiō wōt.” Ñe Jetan ej kapouki kōj, im jej lōmņak bwe emņan men ko ej ba, jen kememej bwe e ri riab. Ej ba enaaj emņanļok ñe jej ļoor pepe ko an, ak e ban.

Jisōs ear bar kajermal Baibōl ke ear uwaak Jetan.



Matu 4:10 Im Jisōs ej ba ñan e, “Kwōn ilok, Setan, bwe ar je, Kwōn kabuñ ñan Irooj aņ Anij, im kwōn jermal ñan E wōt.”

3. Jisōs ej juon lukkuun armej.

Etke Anij ear kōtļok bwe Jetan en kapouk Nejin? Etke Jetōb Kwōjarjar ear ānin ļok Jisōs nān āne jemaden bwe Jetan en kapo E? Ej kōnke Jisōs ear juon lukkuun armej. Im āinwōt juon lukkuun armej Ear aikuj edjoņ aolep eņtaan ko im apaņ ko an armej ro jet. Bwe En juon ri jojomar nān kōj Ej aikuj bwe En āinwōt kōj. Jisōs ear āinwōt kōj ilo aolep wāween, ijelļokūn wōt Ear jab jerōwiwi.



Hibru 4:15 Bwe ad Pris eļap e jab juon ej ban tūriamokake mōjņo ko ad, a eņōj kapo E kōn men ko otemej, āinwōt kōj, ijoke ejjelok jerōwiwi Ippān.

Barāinwōt Anij ear kōņaan kaņool nān kōj bwe Nejin ear juon men in katok e weepnān.



1 Piter 1:19 A [men eo ear pinmuur nān koņ] ear bōtōktōk e aorōk, āinwōt an lamb ejjelok notaan im e kwōjarjar, aet eo an Kraist.

Kapo in ear juon mālejjoņ nān kaņool bwe Jisōs ear wānōk otem wānōk. Ear anjō ioon Jetan im jerōwiwi. E wōt e maroņ ļoņoņren kōj.

4. Jisōs ej Anij.

Matu 4:10 Im Jisōs ej ba nān e, “Kwōn ilok, Setan, bwe ar je, Kwōn kabuņ nān Irooj aņ Anij, im kwōn jermal nān E wōt.”

Ruo men ilo eoon in rej kaņool bwe Jisōs ej Anij. Juon - mōttan eoon in me ej ba bwe jen kabuņ wōt nān Anij. Jisōs make ear ba bwe jen jab kabuņ nān jabledwōt ijelļokun wōt Anij. Jisōs ear bōk āt in Anij. Elōņ raar kabuņ nān E āinwōt Anij. Eļāņņe Jemādwōj ilaņ im Jisōs rejab juon wōt Anij, innām e mō ad kabuņ nān Jisōs. Tomas ear ba nān Jisōs, “Kwe aō Irooj im aō Anij” (Jon 20:28). Jisōs ej Anij.


Ruo - Jisōs make ear jiroņ Jetan bwe en ilok jān e. Ejjelok ewor an maroņ in jiroņ Jetan ijelļokūn wōt Anij.



Jud 9 A Maikōl arkenjel eo, ke ear juņae tepiļ im aitwerōk kōn ānbwinnen Moses, ear mijak in kōnono ñae im ekajete, a ear ba, “Irooj en bōbrae eok.”

Jisōs ear jab mijak in kōnono ñae tepiļ eo kōnke Jisōs ej Anij.

Anij ear kōņanņan Jetan, im ear juon enjel e aiboojoj ilo jinoin. Bōtab, kōn an kar juņae Anij, juon raan Anij enaaj joļok e im aolep ro rej ļoor e ilo ļoņalo in kijeek. Anij, eļap an kajoor jān Jetan.



Jetan ear ilok jän Jisōs, bōtab ear bar kapouk Jisōs elōñ katen. Bōtab Jisōs ear jab eoroñ Jetan ñan jidik.

5. Wāween an katak in rōjañ kōj.

1. Jisōs e jeļā kōn mōjņo ko ad, im E maroñ tūriamo kake kōj.



Hibru 4:15 Bwe ad Pris eļap e jab juon ej ban tūriamokake mōjņo ko ad, a eņōj kapo E kōn men ko otemjej, āinwōt kōj, ijoke ejjeļok jerowiwī Ippān.

Jisōs ej ri jojomar eņman tata ñan kōj kōnke Ear bōk mōttan aolep mōjņo im eñtaan ko ad.

2. Je jeļā bwe enaaj wor kapo, im kōn men in je maroñ pojake kadede.

E lukkuun aorōk naan in ankōmājur ippān juon jar in tariņae. Rej kate bwe en nojak aolep makūtkūt ko aer jän ro im rej tariņaek er. E jab maroñ nojak makūtkūt ko an Jetan jän Anij. Kōn men in, ñe Jetan ej kapo kōj, Anij ejeļā kadede im e maroñ jipañ kōj.

3. Jen juņae kapo ko an Jetan kōn Baibōl.

Kwōn bar kōnono bwebwenato in. Jetan ear kapo Jisōs jilu katin. Jisōs ear uwaak jilu katin. Aolep iien ke Ej uwaak Ej kajerbal naan kein “eņōj je.” Meņe Jisōs ej Anij, Ear kajerbal Baibōl ñan juņae Jetan. Kein tariņae eļap tata im Anij ej letok ñan kōj ej Baibōl. Baibōl eo ej juon jāje ruo mejān. Jetan ej dike Naan in Anij im enaaj ko jän e. Ejjeļok armej e maroñ in juņae kapo ko an Jetan aolep iien. Kōj aolep ri jerowiwī. Jisōs Kraist wōt im Ear weepān an juņae Jetan. Jisōs ej Lamb eo an Anij. Eņōj mālejjoñ E im E wānōk wōt.

Kajjitōk ko

1. Wōn eo ear āñin lok Jisōs ñan āne jemaden bwe Jetan en kapouk E?
2. Men in ej katakin kōj ta?
3. Ej meļeļe in ke bwe Anij e kōņaan bwe jen jerowiwī?
4. Ewi kapo eo kein ka juon?
5. Ewi kapo eo kein ka ruo?
6. Ewi kapo eo kein ka jilu?
7. Etke Anij ear kōtlok bwe Jetan en kapo Nejin?
8. Ewi bar juon men im iien kapo ej kaņool e?
9. Ewi men eo ālik tata im Jisōs ear ba ñan Jetan?
10. Ta meļeļe in men in?
11. Jen juņae Jetan kōn ta?